

Opuscula

Opuscula

U M B R Æ ⁽¹⁷⁾
S E P U L C H R A L E S,

præclaris in Ecclesia DEI Meritis.

Perillustriſtis olim & Admodum Reverendi Domini,

D. FRANCISCI
LESNIOVIC,

Proto-Notarij Apostolici, Præpositi,
& Officialis perpetui Pileccensis, Sanieccensis,

D I S C U S S Æ;

ac cum

in Ecclesia S. MICHAELIS pijs ejus Manib9

Iusta parentalia persolverentur,

et

M. SEBASTIANO TORTOWSKI,
Philosophiæ Doctore, Collega Minore, Curato
Opatoveccensi, Historiographo Regio,

ad memoriam posteritatis,

lugubri Elogio

I L L U S T R A T Æ.

Anno Domini 1711. Die 24. Martij.



CRACOVIAE, Typis UNIVERSITATIS.

ELOGIUM LVGVBRE.

NVnc novi ingenium fatorum!
sciunt, quos sub umbras rapiant.

Cæca Numina,
summopere delectat, si nos post lucem,
cæcas cum ipsis noctes ducamus.

Quare diu nolunt soles indulgere mortalibus,
rapiunt sub umbras, si quæ lumina habemus,
involvunt cineribus, si gemmas:
premunt lapide, si pretia.

Et cum procul à nobis relegent,
quæ ludibria miseræ mortalitatis!

uno tantum lapide à nobis distinguunt.

O longum iter in tam brevi spatio!

Vnum Marmor vide?

quantam faciat distantiam!

Sed illud magnopere movet hominum indignationem,
quod extinctos mortales, inspergant cineribus,
& sæpe ne scintillam quidem relinquunt memoriæ!

Faciamus licet ingentem apparatus,
discussuri noctes & umbras sepulchrales.

Ponamus longo ordine lumina,
& ne umbram quidem virtutum:
nihil tot ignes efficient.

Fumum tantum relinquent,
quo inumbrata illustris memoria,
noctem in suo lumine inveniat.

O bene egit, vel cum fatorum invidia,
qui ad tenebras mortis amovendas,

illu-

illustria in vita conquirit opera.

Vmbras in Vmbris non sentiet.

Etsi noctem dormiet,
circumstabunt factorum lumina, quæ tenebras arceant.

Vives, quod Tuis meritis vovemus,
virtutum Tuarum luminibus.

Perillustris olim & Admodum Reverende Domine,

**D. FRANCISCUS
LESNIOVIC,**

Proto-Notarie Apostolice,

Præposite, Officialis perpetue Pilecensis, Sanicensis.

Totum Te impendisti in operum præclarorum exercitia.

Sic totam posteritatem Tui memoriâ exercebis.

Te omnes anni loquentur,

Tuis vocales & animati meritis.

Colent Te posteris;

tanquam Cultorem optimum probitatis.

Imò impius esset, quicumq; Tuæ gnarus pietatis,
nollet erga Te pium sensum piamq; habere memoriam.

Impressisti adhuc Iuvenis arenis Academicis,
vestigia tam virtutum, quam literarum.

Excidisti ex Parnassi Iagellonici Sylvis fatidicis,
trophæa scientiæ Tuæ;

pro qua Tu victoria laureatus,
sub umbra Corymbi clarissimè demonstrasti,
ex Philosophicis difficultatibus,
triumphans ingenium.

Quodsi Ausonius redivivus foret,
aut Sveronius post XII. Cæsarum vitas,

Grammaticis celebrandis impenderent operam.

Tu quoq; impleres laboribus Tuis hanc classẽ,
celebris in Novodvorščiano Collegio,
parvæ, sed ad fastigia scientiarum artis ordinatæ.

His in arena nostra exercitus curis,

sanctioribus dedicatâ opera functionibus,
Auspicio Cygni TRZEBICIANI evocatus,
ad Ecclesiastica indulgentissimè munera
Præpositum Irzedensem egit.

Totus impensus pietati,
dum aras exornaret, & Superos ditaret,
Superum curâ honoribus majoribus, ornatus effulsit.

Sic cælestium honores dum pij curamus,
cælestium etiam favoribus abundè ditamur.
Nemo indonatus abiit, licet parva sparsit Divis munera.

Pensant hi magis animum, quam donorum fulgorem?
at si ingentes opes cum puro animo Cælo impendimus,
cum ingenti fanore, speremus redituras ad nos opes.

Sic ille ab Irzedensi Præpositura,
ad Pilecensem Collegiatam Præpositus & Officialis;

Illustrissimi & Excellentissimi Domini,

D. STANISLAI in Warszycę WARSZYCKI,

Castellani Cracoviensis gratiâ promotus:
visus est collegisse titulos pro expensis in Superos divitijs.
Verum ampliores, in ampliori honore, nactus arenam,
non sterilem fecit beneficijs.

Depluebat in Divos aurò, quod mirum! de terris:
& ostendit habere tellurem aureos imbres;

modo homines velint serena fronte pluere.

Nam non placet Divis, si de tristi frontis nube,
in suas aras & Tempia defluunt beneficia;

Volunt rores nostros, sed à sereno manantes animo.

Corrumpis beneficia si nubem illis obducis.

Quàm prompto animo illustria beneficia;
duodecem, formæ eximæ & magnitudinis imposuit candelabris.

O nunquam casuras in hoc Nomen Umbras!

tanquam Stellis duodecem, prælucentibus sibi Cereis.

Cælum si dicas Aras Pilecenses?
habebis duodecem signa Zodiaci illustria,
in duodecem candelabris.

Series

Series tota seculorum huic militabit,
in Confraternitate S. IOSEPHI fundata.
Quot nexus erunt fraternæ sub Divo pietatis,
tot nodi, ad detinendum hoc Nomen,
in memoria posteritatis.

Florebit Rosis Rosarij Mariani:
nihil hyemes æternis nocebunt floribus,
nihil Aquilo, nihil Eurus.

Sub Sole Mariano, nesciunt hi flores brumam.

Quò sidus MARIA prospicit;
ibi rident nives, & Aquilones Favonios induunt.
Non sunt maligna sidera circa **MARIAM**,
premit enim triumphali calce,
omnium Caput malorum Serpentem.

Quam lucem sperare potestis,
profusa in MARIA beneficia?

Tota illa amicta Sole, nec in se,
nec in suis, patitur tenebras.

Meridies est, umbram non habet:
nisi sub Pedibus, quia Meridies est.

Circa ipsam fulgentia mortalium munera;
semper rectò percutiuntur radiò.

Sic nos merè frustra faciei paginæ,
induximus umbras:

cùm omnia opera lux ambiat:

nisi illustres dixissemus, cæcutiremus in luce.

En è Claro Monte, tanquam de Libano,

Lumen in polo nostro,

in toto Orbe, miraculis illustrissimum venit?

Sat illud est sua luce coruscum,

sat gratijs splendidissimum,

At ut lucem adderet luci,

perpetuam lampadem suspendit,

MARIÆ Soli amictæ.

Viderat nempe deesse in terris sidera **MARIÆ**;

sic appendit ante **MARIAM** lucens astrum.

Et quia nunquam extinguendum est lumen Virgineum,
perpetua voluit esse sua lumina.

Affixa in Divi Pauli Eremitæ,
umbras non sentient, lucus enim ibi est,
non tenebris, at luce virtutum obsitus.

Vtinam de victricis Ala MICHAELIS penna detur!
sola posset bene describere beneficia?
vel alijs, vel sub hoc Duce, in terris,
militantibus concessa Triarijs.

Hujus Ducis sub tutelam, & scutum,
non tantum deposuit liberalitatem;
verum, quod intimum habuit, Corpus.

Debit munificentia illustris Manus,
intra illius Templi Manes locari:
testis apud posteritatem suæ pietatis.

In libra MICHAELIS examinata beneficia
non cælum erubescant, non terras.

Et præter corpus dedit animam
quod vovemus, Duci Angelico,
& (ut pie creditur) Iudici Animarum, ad Examen.
Præterea candidam Magnæ Terefiæ Manum,
semper habebit suæ memoriæ militentem;
eo candore, quo & in moribus,
& in veste liliata eminet.

Timere non potest, ne umbris involvatur,
vigilat, qui arceat tenebras, ignitus Eliæ Gladius.

Inter Carmeli stellas, non dantur noctes.

Quæ verò cura Vestalium erit,
sub Divo IOSEPHO castos ignes servantium:
ut sui Mecænatis beneficia,
oblivionis non inducantur noctibus.

Solis radij fulgent in auro,
tam debent conservari bene, & accurate;
quàm si à Sole ignis acceptus foveatur.

Stabunt certè illustra
Saxis impressa, in muro erecta.

Quot

Quot scintillas duri tenent silices;
 tot erunt immortalis memoriæ flammæ.
 O illa non extinguenda gloria!
 nam tædis pronubis illustrata.
 Sæpe egenæ conjugia traxerunt,
 in eodem vitæ nexu sociam egestatem.
 Ut, fortè Alexandri gladiò non solvendus nodus;
 faciliùs solveretur, Plutum pro Vulcano submittebat.
 Erant certè felicia consortia,
 cùm vitæ sociam haberent fortunam,
 hac Manu sibi colligatam.
 Non delitescet, in angulo Poloniæ, Kery,
 Pauperi FRANCISCO data liberalitas.
 Minores Reformatorum Patres, ferent sub astra;
 notâ Orbi, coramq; cælo illustri pietatè.
 Crescent in hoc gradu beneficia;
 maximaq; reputabuntur apud Minores.
 Quàm bene providistis Superi! quòd aliquando,
 dives sit à Francisco, pauper FRANCISCVS.
 Dicam quod sentio:
 nullum perdidit diem, donavit liberalitatè.
 Inveniet qui recensabit beneficia:
 nos cuiq; reliquimus additionem.
 Subtraxit quidem multùm arcana liberalitas,
 cælum tantummodo ad calculum vocando.
 Strinxit orbe suo FASCIA MALACHOVIANA!
 effusam hanc in Tempia, in Divos pietatem.
 Gaudebat & Tuò judiciò PRINCEPS CELSISSIME.
 Videbatur ad mentem Superùm agere, cùm ad Tuam;
 Satis est, cùm CAPVT LVBIENIVM annuit!
 Condidit sibi manu in Cælo divitias:
 quibus nunc accedit ornamentum à ROSIS.
 Erige è sepulcho Caput? sertum erit;
 nam circa tumulum Flores sparguntur?
 Vobis claræ Pilecensis Collegiatæ Patres;
 enim amoris sui ignibus tradit lampada?

Non extinguetur in cineribus,
si vos amoris addetis flammam sopitis.
Qui fulgor in pagina à Sceptris!
Magnifici Perillustriſ & Reverendiſſimi Domini,
D. M. PETRI PRACZLEWIC,
S. Th: Doctois, CANONICI, Cath: Crac: DECANI Pileci: RECTORIS Univ:
vellem (ſed poteritne Magnificencia Nominis
tam arctis teneri terminis) laudare.

Satis erunt illuſtres Vmbra Sepulchrales,
hoc ſibi lumine appoſito.
Ardebit amoris ignibus Vmbra hæc
Perilluſtris & Admodum Reverendi Domini,
D. CASIMIRI DOBRAKOWSKI,
Præpoſiti & Officialis perpetui Pilecenſis Sadeceſis.
Succenderunt beneficia, Honorum lumina;
nec poterit extingui in grata memoria,
qui accendit diem titulorum.
Succede vovemus in nomina, Duce virtute,
veni ad famam præcurrentibus meritis.
ad annos & ſecula, cæli favoribus.


Diem dices umbris, ſi nomen hoc violabunt.
Clariffime ac Conſultiſſime Domine,
D. ADALBERTE KRZYZANSKI,
Regens Cancellariæ Cracoviænſis.


Tu nempe ſumpto à Protonotario Apoſtolico, calamo
fidem faciès poſteritati Notarius Apoſtolicus:
nunquam poſſe, in Divos effuſa beneficia, latere.

O Tu! qui fidera das pro meritis,
pro pietate radios, & ſtellatas coronas:
indulge, ut in lucè beatitudinis fulgeat;
cujus virtutes, merita, pietatem, liberalitatem,
hæc mortalitatis umbrâ depinximus.



ts
e.
M
o-
m
o
es
er
ne
a-
ut
o
e-
y-
ni-
e-
.
.
.
.
.





22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

